

52.38.08/2457

v.14

TCY 042(14)

碑

光武濟陽宮碑
 惟漢再受命曰世祖光武皇帝考南頓君初為濟陽令濟陽有武
 帝行過宮常封閉帝將生考以令舍下濕問宮後殿居之建平元
 年十二月甲子夜帝生時赤光室中昏明使卜者王長卜之長曰
 此善事不可言歲有嘉禾一莖生九穗長于凡禾因為尊謹王室
 中徽哀平短祚姦臣王莽偷有神器十有八年罪盈惡熟天人致
 誅帝乃龍見白水淵躍昆澶破前隊之眾殄二公之師收兵畧地
 經營河朔戮力成功翼戴更始義不即命帝位闕焉于是群公諸
 將據河洛之文叶符瑞之珍僉曰歷數在躬帝踐祚允宜乃以建



蔡中郎

CHINESE-JAPANESE LIBRARY
 HARVARD-YENCHING INSTITUTE
 AT HARVARD UNIVERSITY
 JUN 15 1945

武元年六月乙未即位鄱縣之陽五成之陌祀漢配天不失舊物
享國三十六年方內又安蠻夷率服巡狩泰山禪梁父皇代之遊
迹帝者之上儀罔不畢舉道德餘慶延于無窮先民有言樂其
所自生而禮不忘其本是以震稱媯汭姪美周原皇天乃眷神宮
實始于此厥跡邈哉所謂神麗顯融越不可尚小臣河南尹鞏瑋
先祖銀艾封侯歷世鄉尹受漢厚恩瑋以高箕餘烈即舉孝廉為
大官丞來在濟陽領見神宮追惟桑梓褒述之義用敢作頌頌云
赫矣炎光爰耀其輝篤生聖皇貳漢之微稽虔虔則誕育靈姿黃
藥作慝纂握天機帝赫斯怒爰整其師應期遷而飛禍亂克

定群凶殄夷匡復帝載萬國以綏巡于四嶽展義省方登封降禪
弁于中皇爰茲初基天命孔彰子子孫孫保之無疆

王子喬碑

蔡中郎

王孫子喬者蓋上世之真人也聞其仙舊矣不知興于何代博問
道家或言潁川或言彥蒙初建斯域則具斯丘傳承先人曰王氏
墓紹胤不繼荒而不祠歷載彌年莫之能紀暨于永和元年十有
二月當臘之恒上有哭聲其音甚哀附居者往聞而怪之明則登
其墓察焉洪雪下無人跡見一大鳥跡有祭祀之處左右或以為
神其後有人着絳冠大衣杖竹策立冢前呼稚孺子尹禿謂曰我

王子喬也爾勿復取吾前人墓前樹也須臾忽然不見時令太山
萬熙稽古老之言感精瑞之應咨訪其信而有微乃造靈廟以
休厥神于是好道之儔自遠來集或絃歌以詠太一或談思以歷
丹田其疾病疔瘵者靜躬祈福即獲祿若不虞恪輒顛踣故知至
德之宅兆真人之先祖也延熹八年秋八月皇帝遣使者奉犧牲
以致祀祇懼之敬肅也相國東來王章字伯義以為聖神所興必
有銘表昭示後世是以賴卿仰伯陽之踪閱民慕尹喜之風乃
會長史邊乾訪乃士隸遂樹玄石紀遺烈俾志道者有所覽焉詞
曰

伊王君德通靈含光耀秉純貞應大道羨九榮秉世俗飛神形翔
雲霄浮太清乘螭龍載鶴軒載華筮奮金齡揮羽旗曳霓旌惟罔
極壽億齡昭篤孝念所生歲終闋發丹情存墓冢舒哀聲遺鳥跡
覺舊城被絳衣垂紫纓呼孺子告姓名由此悟感怖驚修祠宇反
几筵饋饌進甘香陳時傾頌聲明禋正流祉熙帝庭祐邦國相黔
民光景福耀無垠

陳雷索昏庫上里杜碑

蔡中郎

社祀之建尚矣昔在帝世有五五行之官而共工子句龍為后土及
其沒也遂為社祀故曰社者土地之主也周禮建為社位右宗廟

右社稷戎醜攸行于是受朕土膏恒勤于是祈農又頌之于兆民
春秋之中命之供祠故自有國至于黎庶莫不祀焉惟斯庫里古
陽武戶牖鄉也春秋時有子華為秦相漢興陳平由此社宰遂佐
高帝克定天下為右丞相封曲逆侯永平之世虞延為太尉司徒
封公至嘉平延弟曾孫放子卿為尚書令外戚梁冀乘寵作亂首
策誅之王室以績封召都亭侯太僕大常司空毗天子而維四方
克措其功往烈有常于是司監爰暨邦人僉以為宰相繼踵咸出
斯里秦一漢三而虞氏世焉雖有積善餘慶脩身之致亦斯社之
所相也乃相與樹碑作頌以示後昆云

惟王建祀明事百神乃碩斯社于我兆民明德惟馨其慶率彰自
嬴及漢四輔代昌爰我虞宗乃世重光元勳既立錫茲土疆公乃
侯帝載用康神人協祚且巨且長凡我里人盡受嘉祥刊銘金石
永世不忘

鄉瑯琊王傳蔡公碑

蔡中郎

君諱朗字仲明蓋倉頡之精胤姬稷之末胄也昔叔度文王之昭
建侯于蔡以國氏焉迄于平衰周祚微缺王室遂早齊晉交爭強
楚侵陵昭侯徙于州來公族分遷氏家于圍夾葉載德常歷官
尹以逮于茲君稚操明允威厲不猛履孝悌之性懷文藝之才包

洞典籍刊摘沉秘知幾達要通含神契既討三五之術又采二南
之業以魯詩教授生徒雲集莫不自遠並至栖遲不易其志簞食
曲肱不改其樂心棲清虛之域行在玉石之間是以德行儒林智
周當代四岳稱名帝曰予聞元和元年徵拜博士舒演與秘贊理
闕文所立卓爾度躡雲蹤其選士也抑頑錯枉進聖擢偉極遺逸
于九臯揚明德于側巷拔茅以彙幽滯用濟加以清敏廣平好是
正直規誨之策日諫王庭忠黨著烈名流行聖朝以藩國貴胄
先帝遺體或以繼絕襲位正于阿保未洽雅訓驕盈僭差或蹈憲
理非弘直碩儒莫能匡弼蔡君審行脩德進退可度遷河間中尉

瑯琊王傳乃從經術之方示以棊讓之威率禮莫違其國用靖雖
安國之輔梁孝仲舒之相江都靡以加焉勲績既盛帝簡其功將
授上位遷于紫宮賦壽不永遘此疾年五十八永興六年夏卒鳴
呼哀哉百凡君子咨痛罔極殷懷傷悼含涕惻惻如何昊天喪我
師則爰勒斯銘式昭其德天敏明哲於赫我君含弘光大玄覽孔
真潛樂教思韞玉衡門雲龍感應養徒三千珠藏外耀鶴鳴聞天
若時徵庸登祚王臣綜彼前疑定此典文茲佐七德俾相大藩身
沒稱顯永遺令勲表行揚名垂示後昆

玄文先生李子材碑

蔡中郎

玄文先生名休字子材南陽宛人也其祖李伯陽周柱下史觀衰
世而適焉其後雄俊豪傑往之崛起自戰國及漢繼踵夫曹散逸
其遷于宛尚矣王莽竊位漢祚中移考翼佐世祖匡復郊廟錫封
茅土卿相牧守于時相逐休少以好學游心典謨既綜七經又精
群經鉤深極奧窮覽妙旨居則玩其辭動則察其變雲物不顯必
考其占故能獨見前識以先神意若古今常難疑義錯繆前人所
希論後學所不覽休盡剖斷剝散幽暗靡不昭爛猶發憤于目所
不覩體所不閑遂登東岳觀百王遺風習容闕里以協禮喪退而
講誨童冠仰焉傳傳如也郡署五官掾功曹司空胡公頭以儒譽

特進大鴻臚仍優禮固請秉讓執虛辭此三命不為利回不為義
疾臨寵審已不動其守可謂純潔皓素綽有優裕者已其于鄉黨
細行敦睦九族篤信友交不可得而詳也初娶配出後配未字年
既五十苗胤不嗣以永壽二年五月己未卒凡其親昭朋徒相與
大會而葬之鼎俎之禮節文曲備時令戴君臨喪命謚郡遣丞掾
冠蓋咸屆既定而後罷焉於是故好朋舊僉以仲尼既沒文不在
茲韞積美玉喪莫賈之求而無繼悽爾永思乃刊斯石懿德是正
吁茲先生秉德恭勤天啟哲心其學孔純經緯是綜雅麗是分行
已守道匪禮不遵處約不戚聞寵不飲榮不能華威不能震天淑

厥命以讓以仁有惠云載惟邦之珍按典考謚以玄文身沒名
彰配黔作隣遺譽罔極不昭億年嗚呼哀哉

郡掾史張玄祠堂碑

蔡中郎

掾諱玄字伯雅河南偃師人也其先張仲者實以孝友為名左右
周室大漢初興張蒼為丞相封北平侯其後自河內遷于茲上世
為顯姓掾天姿恭恪宣慈惠和允恭博敏惻隱仁恕正身履道
以協閭庭損用節用以瞻疏族動中規矩言合典式不知名宦不
飾行著可謂仁粹淑貞自然之素者已論者嘉之州郡禮招署致
掾史沉静寡欲不求榮祿是以豐於天爵薄於人位某月日遭

疾而卒掾孫翻以貞固之質受過庭之訓獲執戟出宰相邑遷太
守得大夫之祿奉蒸嘗之祀尋原祚之所由而至於此先考積善
之餘慶陰德之陽報乃于是立祠堂假碑勒銘式明令德以示乎

後辭曰

於惟我考允迪懿德治信斯順其儀不忒仁惠周洽行惟模則篤
垂餘慶貽此燕翼邈矣貽孫周懷多福利名金石流於罔極

袁浦來墓碑

茂德休行日袁浦來太尉公之孫司徒公之子逸才淑姿實天所
授聰遠通敏越越在闕明習易學從誨如流百家眾氏遇目能識

事不再舉問一及三其始知終情性周備夙有奇節孝智所生順而不驕篤友兄弟和而無怨氣決泉達無所凝滯雖冠帶之中士校材考行無以加焉允公族之殊異國家之輔佐衆律其器士嘉其良雖則童稚令聞芬芳降生不永年十有五四月壬寅遭疾而卒既苗而不穗凋殞華英嗚呼悲夫乃假碑旌于墓表嗟其傷矣唯以告哀

衛尉張儉碑

孔少府

其先張仲實以孝友左右周室晉主夏盟而張老延君譽於四方君稟乾綱之正性蹈高世之殊軌永潔淵清介然特立雖史與之

勵操叔向之正色未足比焉中常侍同郡侯覽專權王命豺虎肆虐威震天下君以西都督郵上覽禍亂凶國之罪勸沒賊姦以巨萬計俄而制書案驗部黨君為覽所陷亦章名捕逐當世英雄授命殞身以籍濟君厄者蓋數十人故克免斯艱旋宅舊宇衆庶懷具德王公慕其聲州宰爭命辟大將軍幕府公車特就家拜少府皆不就也復以衛尉徵明詔嚴切勅州郡乃不得已而就之銘曰桓桓我君應天淑靈皓素其質允迪忠貞肆志直道進不為榮赴戰驕臣殲如震霆凌剛摧堅視危如寧

司馬季主墓碑

諸葛丞相

玄漢太寂混合陰陽天地交泮萬品滋彰先生理著分別柔剛鬼神以觀六度顯明

舜廟碑

温侍讀

懷山不已龍門未闢大道御世天下為公感夢長人明駁仄陋釐降二女結友九男執耜歷山耕夫所以讓畔施罟留澤漁父于是讓川亦既登庸以之納錄九官咸事百揆時叙有大功于當世集歷數而在躬受又祖之命致昭華之玉班五瑞于群后禮六宗于上玄舞干戚而遠夷賓弃金壁而幽憲應青雲浮洛榮光塞河符瑞必臻休祥咸萃以君人之大德為帝王之稱首陟方之駕遂

往蒼梧之窆不歸爰自先民實存舊廟既緝葺房遂鎮瑤席龍駕帝服蓋依佈於慕舜交鼓絙瑟寔髣髴於聞韶其辭曰虹氣降靈姚墟誕聖樹陰未隄帝圖已定乃賓四門以齊七政天眷功高民歸德盛治既蕩蕩化亦巍巍南風在詠西環有歸嶷山永逝湘水長遠靈宮肅肅神館微

寒陵山寺碑

温侍讀

昔晉文尊周績宣於踐土齊桓霸世威著於邵陵並道冠諸侯勳高天下衣裳會同之所兵車交合之處寂莫消沈荒涼磨滅言談者空知其名遙遇者不識其地然則樹銅表跡刊石記功有道存

焉可不尚與永安之季數鍾百六天災流行人倫交喪爾朱氏既
絕彼天綱斷茲地紐祿去王室政出私門銅馬競馳金虎亂噬九
嬰暴起十日並出破壁毀珪人物既盡頭會箕斂枹軸其空大丞
相渤海王命世作宰惟機成務標格千仞崖岸萬里運鼎荷於襟
抱納山岳於胸懷擁玄雲以上騰負青天而高引鐘鼓嘈噴上聞
於天旌旗繽紛下盤於地壯士凜以爭先義夫憤而競起兵接刃
於斯塲車錯轂於此地車轟轟隱隱若轉石之墜高崖琅琅磕磕如
激水之投深谷俄而霧捲雲除水離葉散靡旗蔽日亂轍滿墊楚
師之敗於柏舉新兵之退自昆陽以此方之未可同日既考茲沃

壤建此精廬砥石礪金瑩珠琢玉經始等於佛功制作同於造化
息心是歸淨行攸處神異畢臻靈仙總萃鳴玉鸞以來遊帶霓裳而
至止翔鳳紛以相嗻飛龍蜿而俱躍雖復高天銷於猛炭大地淪
於積水固以傳之不朽終亦記此無忘

仰山寺碑

溫侍讀

自結繩運往觀象代興禮樂相因詩書間出喻是非於一指論道
德於二篇九流之義遂開百家之言並作皆以賦命有遭隨攝養
致天壽愛惠起於吉凶情偽動於利害雖改張羅之呪未易禦鐘
之牲因果之業未申感應之途猶蔽是以修短有命子夏論之而

未詳報施在天史遷言之而未悟大丞相渤海王膺岳瀆之靈感
辰象之氣直置與蘭桂齊芳自然其珪璋比潔加法體備百行智
周菓象道蕙語默恩極天人固以兆云非虎自懷公輔之德世稱
臥龍寔任王佐之器道足以濟天下行足以通神明表立人之上
才含廣途之大異永安之末時多異謀蜂有毒豺狼反噬殼弩臨
城抽戈犯蹕世道交喪海水羣飛既而蒼龍入隱白虎出見命世
有期匡時作宰拯沉溺以援手涉波瀾而濡足懸皦日於胸懷起
大風於襟袖動之以仁義行之以忠貞附之者影從應之者響起

老子碑

薛司隸

自太極權輿上元開闢舉天維而懸日月橫地角而載山河一消
一息之精靈上生下生之氣候固以財成庶物亭毒羣品有人民
焉有君長焉至若上皇邃古夏巢冬穴靜神息智鷄居穀飲大禮
與天地同節非折疑于俎豆大樂與天地同和豈考擊于鐘鼓逮
乎失道後德失德後仁皇王有步驟之殊民俗有淳醜之變于是
儒墨爭鶩名法並馳禮經三百不能檢其情性刑典三千足息其
奸宄故知潔其流者澄其源直其末者正其本源源本本其唯大
道乎老君感星載誕莫測受氣之由指樹為姓未詳吹律之本含
靈在厚七十餘年生而白首因以老子為號其狀也三門雙柱表

耳鼻之竒蹟五把十影手足之異爰自伏羲至於周氏綿祀歷代
見質變名在文王武王之時居藏史柱史之職市朝屢易容貌不
改宣尼一覩嘆龍德之難知閔尹四望識真人之將隱乃發揮衆
妙著書二篇率性歸道以無為用其辭簡而要其旨深而遠飛龍
成卦未足比其精微獲麟筆削不能方其顯晦用之治身則神清
志靜用之治國則反朴還淳既而鍊形物表卷迹方外蜺裳鶴駕
往來紫府金漿玉酒讌衍清都參日月之光華與天地而終始涉
其流者則擯落翳塵得其門者則騰驥雲霧大椿凋茂非蟪蛄之
所知溟渤淺深豈馮夷之能測盛矣哉固無德而稱也莊周云老

聃死秦佚弔之三號而出是謂道天之形雖復傲吏之寓言抑亦
蟬蛻之微旨皇帝誕靈縱轡接統膺期照春陵之赤光發芒山之
紫氣珠衡月角天表冠于百王明鏡衢罇聖德會於千祀周道云
季多難在時九鼎共海水同飛兩日與洛川俱闢天齊地軸之所
蛇食鯨吞銅陵玉壘之區狼顧鴟跂黃延奸宄鄭阻兵禍大縱毒
螫將通函夏神謀內斷靈武外馳應換捨而掃除仗旄鉞而斬伐
共工既翦重立乾坤蚩尤就戮更調風雨宰制同造化之功生靈
荷魂魄之賜萬方欣戴九服謳歌乃允答天人祇膺揖讓升秦壇
而禮上帝坐明堂而朝羣后昔軒轅顓瑣建國不同大昊少昊邦

畿各異舜改堯都夏遷虞邑歷選前辟義存創造惜十家之產爰
兆民之力經始帝君不移天府規摹紫^極仍據皇圖下宇上棟務存
卑儉右平左城聿遵制度朝夕正殿不別起於鴛鸞升降靈臺豈
更營於鵠鵲憂勞庶績於育蒼生念茲在茲發于寤寐棘林肺石
特降皇情祝網泣辜深存寬簡草纓知恥畫服興慙天無入牢
之星地絕城牛之氣延閣廣內考集羣典石渠璧水闡揚儒業綴
五禮于將壞正六樂于已崩總章溺志之音太師成功之頌承華
養德作貳東朝外正萬邦內弘三善兩離炳懼重日垂明永固洪
基克隆鼎祚重以維城礪石多藝多才良佐寶臣允文允武為王

室之藩屏成神化之丹青致世俗于潤塗納烝民于壽域旄頭垂
象窮變成形獯獫作患其來久矣無上算以制之用下策而難服
自我開運耀德戢兵感義懷仁稱藩請朔稽顙款塞匍匐授掌祥
物^夜即之所靡漢桑乾之地咸被聲教並入提封閩越勾吳不德
貢職夫餘肅慎無絕夷邸遐邇視福文軌大同自三代之餘六雄
競逐秦居閭位漢雜霸道魏氏則虐深華夏有晉則化成戎狄降
斯以後粹駁不分帝迹皇風寂寥千載天命聖德會昌神道變億
兆之視听復五之規模固以幽明贊恊符瑞彪炳千年靈蔡著天
性以効徵三足神鳥感陽精而表質春泉如醴出自京師秋露凝

甘逾于竹葦星光若月雲氣飛烟三農應銅爵之鳴五緯叶珠囊
之度信可以揚鑿動蹕肆覲東后玉檢金繩登封岱岳而謙以自
牧為而不宰尚寢馬御之書未允梁松之奏在青蒲之上常若乘
奔慶黃屋之下無忘夕惕雖蒼壁黃琮事天事地南正火正屬神
之祀猶恐祀典未弘秩宗廢禮永言仁里尚想玄極壽宮靈座糜
鹿徒倚華蓋蜀壇風霜凋弊乃詔上開府儀同三司亳州刺史武
陵公元胄考其故迹營建祠堂皇上往因歷試撫斯藩部猶漢光
司隸之所魏武兗州之地對苦相之兩城繞涓穀之三水芝田柳
路北走梁園沃野平泉東連譙國望水置墊揆景瞻星擬玄圃以

疏基橫玉京而建宇雕楹畫栱磊阿相扶方井員淵泰差交映尊
容肅穆仙衛儼而無聲神館虛閑滴瀝降而成響清心潔行之事
存玄守一之儔四方輻奏千里波屬知如在之敬申醮祀之禮顯
仁助于王者真福資于黎獻允所謂天大道大難幾者矣若夫名
言頓絕幽泉之路莫開形器不陳妙物之功難著騰茂實飛英聲
圖丹青鏤金石不可以已而在茲乎歲次敦祥律中姑洗大隋馭
天下之六載也乃詔下臣建碑作頌其詞曰
悠哉振古邈矣帝先四紀維地八柱承天叢生類聚廣谷大川至
道靈運神功自然五精應感三微相繼樹以司牧孰其象契帝迹

慙皇王猷謝帝上德逾遠淳風漸替時乖澹泊俗異冲和尚賢師
智懸法張羅內脩樽俎外事干戈魚驚網密鳥亂戈多真人出世
星精下斗龍德在躬鶴髮垂首解紛挫銳去薄日角天長地
久小茲五嶽隘此九州逝將高蹈超然遠遊青牛已駕紫氣光浮
玄門洞啟神化潛流賴鄉舊里湍川遺迹往古來今時移世易
靈廟凋毀祠壇虛寂九井生祠雙碑碎石惟皇受命乃神乃聖響
發地鐘光垂天鏡宇宙開朗妖氛蕩定曜魄同尊恭神取正流沙
蟠木鳳穴龜林異類歸款萬方宅心鴻臚納賚王會書琛青雲干
呂董風拂琴化致鼎平家興禮讓永言柱下猶慙大上乃建清祠

式圖靈狀原隰爽塏亭舉彌望梅梁桂棟曲檻叢楹烟霞舒卷風
霧宴清僊官就位羽客來庭穰穰簡簡降福明靈至神不測理存
繁象大音希聲時振高響遐邇諧頌幽明資仰敬刊金石永播天
壤

上庸公陸騰勒功碑

王司空

在昔洞庭彭蠡三苗有遠竄之君太室陽城九州無同姓之國是
昔洞庭彭蠡務非山川河岳作固所寶惟休德至于三峽蹇產
九折崢嶸高峰尋雲深谷無京秦開尹閉雖阻荷戟之虞魏塞晉
通終因東馬之利我大周開闢宇宙混同文軌御六氣于天樞頓

八紘于地絡彭濮未恭邛笮不討外憑劍道之難內負銅梁之阨
大將軍上庸公仗國威靈奉辭伐罪長戟萬隊巨艦千舳板楫首
豪斯禴君長歷秘通寇累代稽誅廓清江源蕩濮邑濮若夫荆門
千里蜀置永安之宮巴水三迴吳阻夷陵之懸巫峽使君之灘淪
波洽沒建平督郵之道棧徑威紆路阻蠻陬途橫夷落擅強專險
輕法侮吏天子爰詔有司公奉天討星言載塗指日邁萬冊授公
大將軍信州刺史韓信召邦軍中致設壇之理衛青出征臨河聞
後距之令夫鐘鼎大禮之器昭德必書金石不朽之質庸勲斯樹
其等乃建碑于某地敢云頌云

遐觀命氏眇求世祿龍圖紀河鴻漸于陸霸楚傳
君于篤生降靈惟岳朝陽擢彩荆山曜璞巴庸自擅彭濮稱王南
泊焚道西通夜郎內憑玉壘外阻銅梁介視荒服斗絕邊疆赫赫
南仲堂堂方叔天子命我遐征越逐竇氏車騎去病冠軍封山刊
石麟銘刻勲遠隔年代懸感風雲盛德必祀千載斯文

京師突厥寺碑

王司空

夫六合之內存乎方策四天之下聞諸象教百億閻浮塵沙美而
不盡三千日月世界數而無邊至於周星夕隕漢官夜夢身高梵
世力減須彌應現十方八身百佛上極天中下窮地際轉法輪於

秘國留竅象于蜀賓至于善見神通瓶沙瑞相波斯鑄金復填雕
木莫不歸依等覺迴向佛乘棄形象而入道捨國城而離俗突厥
夫伊尼溫木汗夏后餘基惟天所置威加窮髮兵歷無革小大當
戶左右賢王麟膠角觸之弓驚羽射鵬之箭跨葱嶺之酋豪靡
不從化踰天山之君長咸皆賓屬人敦信契國寶親隣太祖文皇
帝道被寰中化覃無外提群品于萬福濟群生于六道大家宰晉
國公功高亮寅位隆光輔命司空而度地監匠人而置裊帶二條
之逸陌函九市之通鄴圖木緹錦雕楹磬密香隨微雨自灑風塵
瞻雜天花常調絲竹四禪消患淨界無毀六珠芬盡法身常住銘

曰
七華竅覺三空勝境意樹已彫心猿斯靜靈城偃色空衣滅影索
隱窮源振衣提領

周太傅燕文公于謹墓碑

王司空

古者六等官人師傅崇其匡輔一命作牧侯伯總其專征南仲成
薄伐之功吉甫作來歸之頌若乃仰叶宸曜上屬台階錫之以彝
器明之以車服隆名盛業太傅燕國公其有焉西暉開其命緒東
海傳其世祿父曾致平法之科廷尉稱無寃之頌駟馬方駕高門
繼軌心稟山岳之上靈含風雲之房氣雕良玉于廉劇鍊貞金于

蓋于時王業締構國步權輿太祖地雖二分功猶再駕忠誠簡
帝有志興王公運策唯帳參謀幕府封齊定成文之計間楚曲資
逆之奇仲華訪輿地之圖林叔恭兵車之右魏恭帝元年為大司
寇正刑糾慝國無害馬之倫剪暴詰姦民忘飲羊之俗三刺荐無
簡之文而造陳禁邪之憲大周受命寶歷攸歸表高惠之功臣紀
山河之著命封燕公邑萬戶姬氏建國君奭始封昭王禮賢郭隗
開館又授大傅本官如先保定五年賜金石樂一部公世為邊將
習兵書當敵制机臨戎應變增壘滅竈之圖題樹繫衆之畧軍中
罷戰無廢雅歌壯士志驕時觀投石及子名高衛霍爵重韓彭錫

邑增于鄭僑賜乘同于魏絳丹節比司謀之貴緹騎將金吾之寵
座闕倡歌之娛堂無鐘鼓之奏辭功坐樹不伐征西之勲還第角
巾無競龍驤之賞銘曰
惟岳降神膺期命世量苞川藪道弘兼濟昂宿協符佐旌冥契匪
躬諒直武節橫厲函嶠重險鐘淪覆渚龍勿用瞻烏在屋道贊上
台功匡下濟條教斯理彝倫載睦懋官惟德明試以功既移上將
實克元戎傳呼甚寵徽草載隆居高能降處貴思冲寶命惟新王
猷允塞爵班異姓禮同德林胡以南易州之北帝曰爾諧俾侯燕
國駸過隙湍之逝川明哲詎寶館舍長捐立言不泯遺愛在旗

立河下土駟馬開泉丹旒毀宗玄客啟殯寵贈虛加鸞和空引晏
子悼齊隋武懷晉謂天蓋高如河不愁

周太保尉遲綱墓碑

王司空

昔者王室藩屏周德謂之宗親列國諸侯異姓稱為伯舅元勳
懿德姬崇齊楚之封疏爵疇庸漢重韓吳之秩司勳載其弘烈典
冊備其徽章山甫式列辟之功紀迹廟器莊叔匡成猷之難昭德
彝鼎鴻名盛公實兼焉公命世挺生應期間出嵩華峻極降維
嶽之上靈霜露所均體冲和之秀氣危松擢本且觀後雕之質貞
桂挺生便體冬華之秀是故以辰昂膺慶風雲玄感者焉公柔順

內凝英華外發芬藻仁義珪璋令範危勁之節冠四序而喻秀堅
貞之操經百鍊而不銷加以達門射法遠中戟支養由箭神遙穿
懸葉巧極將軍之伎精窮校尉之官及年踰艾服任隆台袞甲第
當嚮傳呼啓不以寵貴驕人每以早恭自牧易箒之言無忘寢瘁
城郭之志終于瞑目銘曰
珠角應期山廷表德出忠入孝自家刑國人物冠冕彝章表則任
屬屯警官聯極侍行部六條議班三吏逝水詎停光陰不借遽辭
逆旅俄悲怛化旌舒夏練棺陳衛幕北郭人稀西山景落三年不
見九原誰作銘茲鼎傳永傳嵩霍

陝州弘農郡五張寺經藏碑

蓋聞如來說法萬、恒沙菩薩轉輪生生世界豈、值優波提舍、
祇有修多而已哉是以熙運禪河質多羅樹七處八會三清四說、
皮紙骨筆木葉山花象負之所未勝龍藏之所不盡雖復銀函東、
度金甌南翻秦景遙傳三蘭私記譬猶海水之一珠不下崑山之、
片玉若夫法雲深藏師子雲音梵志往生聲聞說戒雪山羅漢之、
論驚嶺菩提之法本無極際何可勝言弘農五張寺者南陽張元、
高寓居此地昔者千金之族見徙五陵大姓之民移家六郡蓋其、
流也元高五子負荷遺訓離經辨志並是成名入室生光咸能顯

德加以尊承慧業敬受法門兄弟同居共捨為寺伽藍肇建即以、
五張為名是知城居趙信仍名趙信之城殿入蕭何即號蕭何之、
殿加以象馬無恡衣裘是捨春園柳路變入禪林蠶月霜津迴成、
定水平輿雖盛豈、獨擅二龍扶風最良不得專稱五馬寺主三、
藏大法師法映邑主洛州刺史張隆寺財行法檀身心罄竭兼化、
鄉邑道俗數千敬造一功德輪見成三百餘部琅笈雲書金繩玉、
檢削蒸栗之、簡裝酸棗之珠並入香城咸封禪閣坐堂伏檻羗、
非湘水之神綠房紫的足擬恭王之殿高掌西望長河北臨鼎氣、
常、浮爐烟成起戶牖窻、廓吹萬龍門之風梁棟崢嶸落實河

源之樹、僧徒雲集、不遠燉煌之城、學侶相奔、更合華陰之市、兩陝
昔分實基、王化二陵、今阻翻馳、羽檄虞公、屈產交亂、風塵召伯、井
棠凋零、霜露雖復、兼能共治、未遣渡河之獸、烽柝是警、實據移關、
之民、是以法王御世、天人論道、汲引四流、周圓五怖、故能調伏怨
憎、消除結縛、法水津梁、得無砥柱之難、香山轍迹、非復終南之險、
天子命我、試守此邦、墨竈未黔、孔席無暖、諒臨都尉之境、即有樓
船之後、既而南風不競、北道言旋、幕府既開、邦君且止、鄉俗耆老
依然、此別屬在法事、須余制文、聊以課虛、為銘云爾、
舍衛之國、祇洹之園、三明極地、八會窮源、連河競說、勝辨爭論、波

提東度、秣夜南翻、非空即色、離有無言、達人止是、獨悟重昏、身雖
繫馬、心避騰猿、禪樓劫月、義殿翔鷗、迴風香益、反露珠幡、西臨砥
柱、東背輾轅、河鳴陽硤、山嚮蘇門、翔禽歌轉、沉澗絃喧、度河餘獸
移關、舊材昔為、畿服今成、塞垣城疑、廣武地似、樓煩燿烽、竝照象
馬、單奔無鍾、襲莒有兩、圍原不資、十方誰釋、三怨風傾、地柱火及
天元、銀鈎永固、金牒長存、封君馬首、方事南蕃、言從陽僕、請謝劉
昆

晉平西將軍孝侯周處碑

君諱處、字子隱、義興陽羨人也、氏胄曩興、煥乎墳典、華宗往茂、鬱

其簡書啓三十之洪基源流定鼎運八百之遠祚枝葉封桐軒蓋
列于漢庭蟬冕播于陽羨二南之價傳不朽而紛敷大護之音聲
無微而必顯山高海濶其在斯焉祖賓少折節早止吳初召諮議
叅軍舉郡上計轉為州辟從事別駕步兵校尉光祿大夫廣平太
守父魴少好學舉孝廉吳寧國長舊威長史懷安錢塘縣侯丹陽
西部屬國都尉立節校尉拜裨將軍三部都督大中大夫臨川豫
章鄱陽太守君晉故散騎常侍新平廣漢二郡太守封閔內侯簪
紱揚名臺閣標著風化之美奏最為能亭亭孤美灼灼橫劭狗高
位于生前思垂名于身後遂以罕言不違應期出輔洋洋之風俯

冠來葉巍巍之盛仰繼前賢君初早孤不弘禮制年未弱冠膺力
絕于天下歔氣推於人間騎獵無時時英武慕縱情偶俗弊不忻
御曲誣其害名改節播其聲譽遂來吳事余闕弟謹然受誨向道
朝聞方勵志而遙詩書便好學而尋子史文章綺合藻思羅開吳
朝州縣交辟太子洗馬東觀左丞中書右丞五官郎中左右國史
靖恭風夜恪居官次遷尚書僕射東觀令太常卿無難督正熙慶
績朝廷謚寧使持節大都督塗中京下諸軍事封章浦亭侯國猶
多士君寔得賢汪洋延闕之傷昂藏寮案之上射獸功猶見顯刺
蛟名乃遠揚忠烈道自克修義節情還永布琳瑯梓杞珪璧棟梁

君著默語二十篇及風土記并撰吳書於是吳平入晉王渾登建業宮醢酒既酣因謂君曰諸人亡國之餘得無戚乎君對曰漢末分崩三方鼎立魏滅於前吳亡於後亡國之戚豈惟一人渾乃大慙仕晉稍遷總統初入拜諮議郎除討虜護軍新平太守撫和戎狄叛羗歸附雍土美之轉為廣漢太守郡多滯頌有經三十年不決者處立評其枉直一朝決遣以母年老罷歸尋除楚內史未之官徵散騎常侍處曰古人辭大不辭小乃先之楚而郡既經喪亂新舊雜居風俗未一處敦以教義又檢尸無主及白骨在野收而葬之然後就徵遠近稱嘆及居近侍多所規諷遷御史中丞正繩

直筆凡所糾劾不避寵戚梁王彤違法處深文案之及氏人齊萬年反朝臣惡其強直皆曰處吳之名將子也忠烈果毅庶僚振肅英情天逸遠性霞騫陝北留棠遂有二天之詠荆南渡虎猶標十部之書尋轉散騎常侍輕車將軍迴輪出於新平士女揮淚塞帷望於廣漢雞犬靡喧振茲威略宣其和晉京遙仰部從迎欽是時氏賊逆有衆七萬屯於梁山朝廷推賢以君才兼文武詔授建威將軍以五千兵奉辭西討忠槩盡節不顧身命乃賦詩曰去去世事已策馬觀西戎藜藿甘梁黍期之克令終言畢而戰自旦及暮斬首萬級弦絕矢盡番系不救左右勸退處按劍怒曰此是吾效

節授命之日何以退為大臣以身殉國不亦可乎韓信背水之軍
未遑得喻工輸縈帶之勢早擬連蹤莫不梯山架壑襁負來歸戎
士杆其封疆農人展其耕織秋風才起追戰勇於雷霆春水方生
揮棹同於雲雨立功立事名將名臣者乎元康九年舊疾增加奄
捐館舍春秋六十有二天子以大臣之葬師傳之禮親臨殯壤建
武元年冬十一月甲子追贈平西將軍封清流亭侯謚曰孝禮也
賜錢百萬墓地一頃京城地五十畝為第又賜王家田五頃詔曰
處母年老加以逆旅遠人朕每憫念給其醫藥酒米賜以終年以
太興二年歲在己卯正月十日葬於義興舊原南瞻荆岳崇峻極

之巍山峩北睥蛟川瀟清流之澄澈娶同郡盛氏有四子靖玘札
碩並皆志性純孝過禮喪親墳前之樹染淚先枯庭際之禽聞悲
乃下遂作銘曰

周南著美岐山表靈葉繁漢室枝茂晉庭皎皎夫子竒特播名幼
有異行世存風烈早馳問望晚懷耿節頗尚英雄昇名楚闔捨爵
策勳允歸明哲輝赫大晉封侯多故式揚廟略克清天步海濱既
折江淮並沂漢水作藩條章斯布俗歌撥日人謠何暮忠貞作相
追蹤絳侯將亭嘉茂據掩芳猷潛光陽旬返旆吳丘舊闕雖入鄉
路冥浮從榮制墓終非晝遊春墟以綠清淮自流深沈素憶繚繞

朱、疏、玄、堂、寂、寂、黃、泉、悠、悠、書、方、易、折、家、捐、難、留、鐫、茲、幽、石、萬、代、千、
秋、
此碑據舊集抄之中多訛謬文理不接且孝侯既戰沒而云舊
疾增加奄捐館舍尤可嘆也考常州志此碑尚藏于廟而所載
亦是如此此當是古碑殘滅後人取斷簡以意補湊之用勒於
石遂沿以為真耳尚須博考

